

ფეოდალური საქართველოს პოლიტიკური და სოციალური ისტორიის გობიერითი საკითხის ასახვა გაზეთი “ივერიაში”

ილია ვადაჭკორია
სტუდენტ-დოქტორანტი

რეზიუმე

1) ქართველ ერში მინელეზული ეროვნული სიამაყის ამალეზებას ისახავდა მიზნად გაზეთ “ივერიაში”-ში გამოჩენილი ქართველი სახელმწიფო მოღვაწეების და სხვა ისტორიული პიროვნეზების შესახებ დაბეჭდილი სტატიები. ქართველი ისტორიკოსები და პუბლიცისტები, ყოველმხრივ ცდილობდნენ, საზოგადოებაში ფართო პროპაგანდა გაენიათ დავით აღმაშენებლის, გიორგი ბრწყინვალეს, ერეკლე მეორეს, ცოტნე დადიანისა და სხვათა შესახებ, რომლებსაც ქართველი ერის წინაშე უდიდესი დამსახურება მიუძღვით. ამით ქართველ ერში ეროვნულ-განმათავისუფლებელი მოძრაობის იდეის, ეროვნული სახელმწიფოებრიობის აღდგენის, ქვეყნისადმი თავდადების და ეროვნული თვითმყოფადობის გადარჩენისათვის ბრძოლის აუცილებლობის- გარკვეული ფორმით პროპაგანდას ეწეოდნენ.

2) ევროპისა და რუსეთისთვის დამახასიათებელი ბატონყმური ურთიერთობების საქართველოს სინამდვილესთან შედარებითი ანალიზით, პროფ. ალ.ხახანაშვილმა დაასაბუთა: ა) საქართველოში ბატონყმობას, მამულის მფლობელთა და მის დამმუშავებელთა მატერიალურ უფლებებზე დაფუძნებული ეკონომიკური დამოკიდებულება ედო საფუძვლად; ბ) ფეოდალურ საქართველოში, სხვის მამულზე მოსახლე გლეხთა სამი კატეგორიის (სახელმწიფო, საბატონო, საეკლესიო) უფლებები, სამართლებრივი ნორმებით იყო განერილი. ვალგადაუხდეღ (მემამულისადმი ნებაყოფლობით ნიყიღული) გლეხთა მეოთხე კატეგორია, მემამულის სამუდამო ყმას წარმოადგენდა; გ) დასავლეთ ევროპისა და რუსეთის სინამდვილესგან განსხვავებით, საქართველოში ბატონყმობის მეტ ჰუმანურობას, ქართული სამართალი და ყმების მიმართ მეზატონის “მფარველად და პატრონად” გამოცხადება განაპირობებდა.

REFLECTION OF SOME ISSUES OF THE POLITICAL AND SOCIAL HISTORY OF FEUDAL GEORGIA IN THE NEWSPAPER “IVERIA”

Ilia Vadachkoria
Phd student of GTU

Abstract

1) The articles published in the newspaper *Iveria* about prominent Georgian statesmen and other his-

torical figures aimed to raise the diminished national pride among the Georgian people. Georgian historians and publicists made every effort to widely promote in society the achievements of David the Builder, Giorgi V of Georgia (Brilliant), Erekle II, Tsotne Dadiani, and others whose merit to the Georgian nation is immense. In this way, they propagated, in a certain form, the idea of the national liberation movement, the restoration of national statehood, devotion to the country, and the necessity of fighting for the preservation of national identity.

2) Through a comparative analysis of the feudal relations characteristic of Europe and Russia with the reality in Georgia, Prof. A. Khakhanashvili argued that: a) Feudalism in Georgia was based on an economic dependence founded on the material rights of landowners and those who cultivated their land; b) In feudal Georgia, the rights of three categories of peasants living on others' estates (state, feudal, and ecclesiastical) were prescribed by legal norms. A fourth category – indebted peasants (voluntarily sold to the landowner) – represented the perpetual serfs of the landowner; c) Unlike Western European and Russian reality, the greater humanity of Georgian feudalism was determined by Georgian law and by the lord's declaration as “protector and patron” toward the serfs.

გაზეთ “ივერიაში” დაბეჭდილი პუბლიკაციებიდან, მნიშვნელოვანი ადგილი ფეოდალური საქართველოს პოლიტიკური და სოციალური ისტორიის საკითხების შესწავლას უჭირავს. ამ პრობლემატიკისადმი მიძღვნილ სტატიებში, საქართველოს წარსული ამა თუ იმ მეფის ან რომელიმე გამოჩენილი სახელმწიფო მოღვაწის საქმიანობის ფონზე იყო განხილული. მიუხედავად ამისა, XIX საუკუნის მეორე ნახევრის ქართული ისტორიოგრაფია, გამოჩენილ პიროვნებათა ისტორიის შესწავლით არ კმაყოფილდებოდა. ქართველი სწავლულები, ჩვენი ქვეყნის ისტორიის შემოქმედად ცალკეულ პიროვნებებს კი არ მიიჩნევდნენ, არამედ პრიორიტეტს ხალხს ანიჭებდნენ. ამის დამადასტურებელია “ქართლის ცხოვრებისადმი” დ.ბაქრაძისა და ი.ჭავჭავაძის კრიტიკული დამოკიდებულება. პოემა “აჩრდილთან” დაკავშირებით, 1872 წელს დავით ერისთავისადმი მიწერილ ერთ-ერთ წერილში ილია ჭავჭავაძე ხაზგასმით აღნიშნავდა: “ამ “აჩრდილმა” ტყავი გამა-

ძრო. ისტორიულს ნაწილზედ შევდეგ და ერთი ნა-
ბიჯი წინ ვერ წავედი, არ ვიცი რა ვქნა? ვამბობ ამ
“აჩრდილს” თავი დავანებო მეთქი. ეგ ოხერი ჩვენი
ისტორია...მარტო ომებისა და მეფეების ისტორიაა,
ერი არსადა სჩანს, მე კი ასეთის აგებულების ადა-
მიანი ვარ, რომ მეფეებისა და ომების სახე არ მიზი-
დავს ხოლმე. საქმე ხალხია და ხალხი კი ჩვენს ისტო-
რიაში არ ჩანს”.(1)

XIX საუკუნის 60-იანელების მიერ “ქართლის
ცხოვრების” მიმართ წაყენებული ეს პრეტენზია, XX
საუკუნის ისტორიოგრაფიის ზოგიერთმა წარმომად-
გენელმაც გაიზიარა. მათგან განსხვავებით, ალ-
ნიშნულ საკითხთან დაკავშირებით, ჩვენი აზრით
აკად. ნბერძენიშვილი სავსებით სამართლიანად
შენიშნავდა: “დიმიტრი ბაქრაძე, ილია და სხვა სა-
მოციანელები, რა თქმა უნდა, არ იყვნენ მართალნი
“ქართლის ცხოვრების” შეფასებისას. მათ ავინყდე-
ბოდათ, რომ “ქართლის ცხოვრება” სამოციანი
წლების იდეების საქადაგოდ კი არ იყო დაწერილი,
არამედ თავისი დროისათვის, რომელსაც ის დი-
დის წარმატებით ემსახურებოდა...ასევეა თითქმის
დღესაც...ზოგი რასა სთხოვს, ზოგი რასა და არავინ
ფიქრობს, თუ როგორი უნდა ყოფილიყო “ქართლის
ცხოვრება,” რომ მას ქართული ფეოდალური საზო-
გადოების, ქართველი ხალხის მომსახურება შეძლე-

ბოდა”.(2)

საქართველოს ისტორიის კვლევისას, სამოცია-
ნელებს მართალია ძირითადი ყურადღება ხალხზე
გადაჰქონდათ, მაგრამ, ისტორიულ პიროვნებათა
დამსახურებას და ღვაწლს არ ივინყებდნენ. თუ
რამდენად დიდ მნიშვნელობას ანიჭებდნენ პირო-
ვნების პოპულარიზაციის აუცილებლობას და მისი
ღვაწლის წინ წამოწევას, კარგად ჩანს გაზეთი “ივე-
რიაში” დაბეჭდილი დავით აღმაშენებლის ხსოვნი-
სადმი მიძღვნილი ი.ჭავჭავაძის წერილიდან. “ერი
თავის გამიერებში-წერს ი.ჭავჭავაძე- ჰპოულობს თა-
ვის სულსა და გულსა, თავის მწვრთნელსა, თავის
ლონეს და შემძლებლობას, თავის ხატსა და მა-გა-
ლითს,...ამიტომაც საჭიროა იმათი ხსოვნა, იმათი
დაუვინყარობა”.(3) ამ შემთხვევაში ი.ჭავჭავაძე
გარკვეული მოსაზრებებით ხელმძღვანელობდა.
პროფ. ა.იოსელიანის სიტყვებით რომ ვთქვათ, ი.ჭა-
ვჭავაძეს და სამოციანელებს, ცარიზმის რუსიფიკა-
ტორული პოლიტიკის ფონზე, დიდი პიროვნებების
და-მსახურების წინწამოწევა და მისი პოპულარიზა-
ცია ხალხში “ეროვნული სიამაყის გრძნობის ჩასანე-
რგად ესაჭიროებოდათ”.(4)

ქართველ ხალხში ეროვნულ-განმათავისუფლე-
ბელი მოძრაობის აღორძინებისა და ქართველი
ერის გამოღვიძების ერთ-ერთ საშუალებად, ი.ჭა-

ცხრილის №1

საქართველოს ქალაქების მოსახლეობის ზრდის დინამიკა 1886-1897 წლებში²

ქალაქები	ქალაქის მცხოვრებთა რაოდენობა 1886 წლებში	მოსახლეობის ზრდა 1865 წელთან შედარებით %- ში	ქალაქის მცხოვრებთა რაოდენობა 1897 წლებში	1886 წელთან შედარებით მოსახლეობის ზრდა %-ში
თბილისი	78445	15,7	159590	103,0
გორი	7243	43,8	10269	42,0
თელავი	11214	53,6	13929	24,6
სიღნაღი	10604	9,4	8994	-
დუშეთი	2027	-	2566	27,0
ახალციხე	16116	38,8	15357	-
ახალქალაქი	4303	89,0	5440	25,5
სულ	129952	22,4	216145	66,3
ქუთაისი	22643	91,8	32476	43,5
ბათუმი	14803	-	28508	92,5
ზუგდიდი	1078	-	3407	232,9
ოზურგეთი	1472	-	47,10	215,8
ფოთი	4709	26,5	7346	56,1
სოხუმი	412	-	7998	1839,5
სულ	45117	206,7	84445	87,4
სულ საქართველოში	175069	44,7	300590	71,5

ვჭავჭავაძე ეროვნული ისტორიის არდავინყებას და მის პოპულარიზაციას მიიჩნევდა. “არ ვიცი სხვა როგორ ფიქრობს-ამბობდა დიდი ილია,-და ჩვენ კი ასე გვგონია, რომ ერის დაცემა და გათახსირება მაშინ იწყება, როცა ერის თავის საუბედუროდ, თავის ისტორიას ივიწყებს, როგორც კაცად არ იხსენიება ის მანანწალა ბოგანო, ვისაც აღარ ახსოვს ვინ არის, საიდან მოდის და სად მიდის, ისეც ერად სახსენებელი არ არის იგი, რომელსაც ღმერთი გასწყნოვია და თავისი ისტორია არ ახსოვს”.⁽⁵⁾ ისტორიის ცნების განმარტებისა და მისი დანიშნულების წინამორწინების ფონზე ი.ჭავჭავაძე იქვე დასძენდა: “ისტორია თავის გულის ფიცარზედ იჭედავს მართო სულისა და გულის მოძრაობას ერისას და ამ დაჭდევითა, როგორც სარკე, გვიჩვენებს იმ ღონეს და საგზალს, რომელიც მომადლებული აქვს ამა თუ იმ ერსა დღევანდელისათვის და გაძლიერებისათვის.”⁽⁶⁾ ასეთი პრეამბულის შემდეგ, პირველწყაროებზე დაყრდნობით იგი საზოგადოების ყურადღებას ერის წინაშე დავით აღმაშენებლის დამსახურებაზე მიაპყრობდა და დასძენდა: “დღეს თუ ჩვენ, ჩვენს ბინაზედ ვართ, ეს, იქნება იმისი ღვაწლი, იმისი სამსახურიც უფრო იყოს, დიდება სახელსა მისსა.”⁽⁷⁾

დავით აღმაშენებლის მიერ ქვეყნისადმი გაწეული ღვაწლისა და დამსახურების ჩამოთვლის პარალელურად, არაქართველი ერებისა და მათი სარწმუნოების შემწყნარებლობაზედაც მიუთითებდა ი.ჭავჭავაძე. “ამისთანა სხვა ერის ღირსების თაყვანისმცემელი იმ დროში- წერდა ილია,- როცა კაცი კაცს შესაჭმელადაც არ ზოგავდა, ამისთანა კაცთმოყვრული პატივისცემა სხვის ეროვნებისა, სხვის სარწმუნოებისა ნუთუ საკვირველი არ არის მეთორმეტე საუკუნის კაცისაგამ?...განა მეტი დიდ ბუნებოვნება მოეთხოვება XII საუკუნის კაცს მაშინ როცა დღეს მეცხრამეტე საუკუნის დასასრულს, საკვირველებად მიგვაჩნია გლადსტონი, რომელიც ირლანდიის ეროვნებას და სარწმუნოებას ესარჩლება იმავე კაცთმოყვარეობით, რა კაცთმოყვარეობითაც დავით აღმაშენებელი სხვა ერს პატივსა სცემდა”.⁽⁸⁾ მართალია, აღნიშნული წერილი ზოგადი ხასიათისაა, მაგრამ ღრმა შინაარსის მომცველია. ი.ჭავჭავაძემ ქართველი პოლიტიკური მოღვაწის შემწყნარებლური პოლიტიკური კურსი XIX საუკუნის მსოფლიო ისტორიის სინამდვილის ქრილში განიხილა. მკითხველ საზოგადოებას აუწყა, რომ XIX საუკუნის მეორე ნახევრის მოღვაწის უილიამ გლადსტონის (1809-1898) დათმობები და შემწყნარებლობა,⁽⁹⁾ თუკი იძულებიდან გამომდინარეობდა და ირლანდიელი ხალხის ეროვნულ-განმათავისუფლებელი მოძრაობის ზენოლით იყო განპირობებული, გლადსტონის რეფორმამდე შვიდი საუკუნით ადრე, ბევრად უკეთესი და ჰუმანური რეფორმები დავით აღმაშენებელმა პირადი ინიციატივით განახორციელა. სამოციანელთა მიერ დავით

აღმაშენებლის ამ კუთხით შეფასებას ივანე ჯავახიშვილიც იზიარებდა. ქართულ და უცხოურ წყაროებზე დაყრდნობით, დავითის პიროვნებას და მის შინაგან თვისებებს შემდეგნაირად წარმოსახავდა: “დიდებული გვირგვინოსანის სულიერი თვისება ყოველმხრივი და ფართო ყოფილა; თვით მეფე ხომ კეთილმორწმუნე და უერთგულესი მართლმადიდებელი ქრისტიანე იყო; მაგრამ მაინც მას სხვა მოძღვრებისა და სჯულის კაციც უყვარდა და პატივსაცემდა. ამიტომაც იყო, რომ მაჰმადიან ისტორიკოსთა სიტყვით იგი უცხო ეროვნების შვილებსაც თავის განათლებულს და ძლიერს მფარველობას არ აკლებდა; მას, ქრისტიანეს მაჰმადიანთა პოზიციისა და მეცნიერებისადმიც უძგერდა სიყვარულით გული”.⁽¹⁰⁾

დავით აღმაშენებლის მოღვაწეობისადმი გაზეთ “ივერიას” მიერ მიძღვნილი საგანგებო პუბლიკაციებიდან, განსაკუთრებულ ინტერესს იწვევს თ.ჟორდანიას “სახსოვრად წერილი-“სახსოვრად წმინდისა საქართველოს მეფის დავით აღმაშენებლისა”⁽¹¹⁾ და გრ.ყიფშიძის “დავით აღმაშენებლის ღვაწლი”⁽¹²⁾ “საქართველოს მეფე დავით აღმაშენებელი 1089-1125”.⁽¹³⁾ ამ შემთხვევაში ყურადღებას მხოლოდ ბოლო მათგანზე გავამახვილებთ. გრ.ყიფშიძის ეს ნაშრომი დავით აღმაშენებლის გარდაცვალების დღისადმი მიძღვნილი. ისტორიოგრაფიაში გარკვეულია, რომ დავითი 1125 წლის 24 იანვარს გარდაიცვალა. იმავე წლის 26 იანვარს ეკლესიამ იგი წმინდანად შერაცხა. ამ დღიდან მოკიდებული, ყოველი 26 იანვარი მის მოსახსენებელ დღეთ ითვლება. რაც შეეხება თვით სტატიას, მასში გიორგი II-ის დროინდელი საქართველოს ძნელბედობის აღწერის ფონზეა წარმოჩენილი ის ზირითადი მიზეზები, რამაც გიორგის გადადგომა და დავითის გამეფება განაპირობა. “ლონემიხდილმა ერმა- წერს გრ.ყიფშიძე,- გიორგის უარი ათქმევინა მეფობაზე და აიძულა სიცოცხლეშივე გადაეცა გვირგვინი 19 წლის შვილისათვის დავით მესამისათვის”.⁽¹⁴⁾ ამ შემთხვევაში გრ.ყიფშიძე ორ შეცდომას უშვებს: 1).ქართულ ისტორიოგრაფიაში დადგენილია, რომ დავითი გამეფდა 16 წლის ასაკში 1089 წელს;⁽¹⁵⁾ 2).იგი იყო არა დავით III, არამედ დავით IV.⁽¹⁶⁾ აღნიშნულის მიუხედავად, ქართული და უცხოური წყაროების გამოყენებით, გრ.ყიფშიძემ ძირითადად სწორად გააშუქა დავით აღმაშენებლის მოღვაწეობა. მაღალი შეფასება მისცა მის მიერ განხორციელებულ ადმინისტრაციულ და საეკლესიო რეფორმებს. აქ ერთი საყურადღებო მომენტიცაა გასათვალისწინებელი. კერძოდ, დავით აღმაშენებლის პიროვნების უკეთ წარმოჩენისა და საზოგადოების ყურადღების მიქცევის მიზნით, გრ.ყიფშიძემ შედარებითი მეთოდის გამოყენებას მიმართა. როცა იგი დავითის სამხედრო რეფორმებს და მის მიერ ჩატარებულ ბრძოლებს შეეხო, დავითი როგორც სა-

მხედრო სტრატეგი და სახელმწიფო მმართველი ნაპოლეონ ბონაპარტეს შეადარა. მისი აზრით, “ისევე როგორც ნაპოლეონი იყო დიდი მეხსიერების, ასევე დავითიც იყო დიდი მეხსიერების, რომელსაც ახსოვდა უკანასკნელი მეომრის სახელი და გვარიც კი”. (17) ასეთი სახის ანალოგიით, გრ.ყიფშიძე საზოგადოების წინაშე დავით აღმაშენებელის, როგორც დიდი სახელმწიფო მოღვაწის უკეთ წარმოჩენას ისახავდა მიზნად. მეორე მხრივ, იგი მკითხველს ამ დიდი პიროვნების სრულფასოვნად გაცნობიერების შესაძლებლობას აძლევდა. “თუ საქართველოს გაუხარია ოდესმე- წერდა იგი,- თავის შავ-უკუღმა დღეთა სვლაში, თუ მის ღვაწლით მოსილ მარჯვენას ნაყოფი უმკია, ამგვარ დროთ უნდა ჩაითვალოს დრო დავით აღმაშენებელის მეფობისა...თვით ბრწყინვალე მეფობა თამარისა სხივ მოკლებული იქნებოდა დავითის ღვაწლი წინ რომ არ წასდლოდა”. (18) ჩვენს მიერ მოტანილი ეს ფაქტები იმის დამადასტურებელია, რომ XIX საუკუნის მეორე ნახევრის ქართველ ისტორიკოსთა მიერ გაზეთ “ივერიაში” გამოქვეყნებულ შრომებში, ქართველი ერის წინაშე დავით აღმაშენებელის ღვაწლი ძირითადად სწორად იქნა გაგებული და შეფასებული.

საქართველოს შუასაუკუნეების ისტორიის პრობლემატიკისადმი მიძღვნილი პუბლიკაციებიდან, რომელიც გაზეთმა “ივერიაში” დაბეჭდა, განსაკუთრებულ ყურადღებას ნ.ურბნელის (ხიზანიშვილი) მეტად საყურადღებო ნაშრომი “გიორგი ბრწყინვალე მეფე საქართველოსი” იქცევს. იგი თხრობას ლაშა გიორგის მეფობის პერიოდში მონღოლების საქართველოში პირველი გამოჩენიდან იწყებს. მონღოლთა საქართველოში პირველი შემოსევის თარიღის დაზუსტების მიზნით, ნ.ურბნელი თანმიმდევრულად განიხილავს ვახუშტის, ბროსეს, და სხვათა მოსაზრებებს, მაგრამ საკითხის დაკონკრეტებას არ ახდენს და მას ღიად ტოვებს. ქართულ ისტორიოგრაფიაში გარკვეულია, რომ მონღოლთა 20000 ჯარი საქართველოს საზღვრებთან პირველად ჯვებ და სუბუდაის მეთაურობით 1220 წელს გამოჩნდა და მათთან ბრძოლაში ქართველები დამარცხდა. (19)

საქართველოს ისტორიის მნიშვნელოვანი მომენტების გადმოცემის ფონზე, ნ.ურბნელი შეეცადა მკითხველისათვის ეჩვენებინა მონღოლთა მიერ საქართველოს დაპყრობით და მათი ბატონობის შემდეგ საქართველოში ორმეფობით შექმნილი უარყოფითი შედეგები. ასეთი პრეამბულით, მან დანერვილებით განიხილა გიორგი ბრწყინვალეს სახელმწიფოებრივი მოღვაწეობა. “იმ დიდსა და გრძელ სივრცეზე-წერს ნ.ურბნელი,- რომელიც მონღოლების მფლობელობას უჭირავს, გიორგი მეხუთე განმარტოებით სდგას და აღმოსავლეთის ვარსკვლავით ჰბრწყინავს, ელვარე სხივსა ჰფენს წინაპართა სამეფო გვირგვინს. მთელს ოცდარვა წელს სამეფო ტახტიდან ეს ვარსკვლავი აცისკროვნებდა სამშო-

ბლოს და ამ დროის განმავლობაში თვით სამშობლოც ფენიქსებრ განახლდა, გასპეტაკდა, პატივი და დიდება მოიხვეჭა ...ქრძალვითა და მონივნით ვუმზერთ ამ დიდ ბუნებოვანის მეფის ცხოვრებას, იმის მოღვაწეობას და არ ვიცით, რა უფრო მეტად უნდა გვაკვირვებდეს- იმისი ძლიერება, თუ “სიბრძნე გონიერება” და მეცნიერება...მთელი საუკუნეების განმავლობაში გიორგი მეხუთეს სწორი და ტოლი არა ჰყავდა და მის მოღვაწეობასა და მოქმედებას თავისი მსგავსი არ მოეპოვებოდა”. (20) ეს ამონაწერი საუკეთესოდ ახასიათებს გიორგი ბრწყინვალეს, როგორც პიროვნებასა და სახელმწიფო მოღვაწეს. მეორე მხრივ, გამოკვეთილად მოჩანს გიორგი ბრწყინვალესადმი ნ.ურბნელის განსაკუთრებული სიმპათია. სახელმწიფოებრივ სარბიელზე გიორგი ბრწყინვალეს წარმატებები, მისი აზრით, მიმდინარე ისტორიულმა პროცესებმა განაპირობა. იგი “მეფის ნიჭიერების გამოვლინების” ხელშემწყობი ისტორიული სიტუაციის წარმოჩენას აუცილებლობად მიიჩნევდა. (21) სახელმწიფოებრივი მოღვაწეობის სფეროში გიორგი ბრწყინვალეს საქმიანობის ანალოგს ნ.ურბნელი, დავით აღმაშენებელთან ეძებდა. “ბევრი საერთო თვისება და ღირსება მოიპოვება მათ შორის. დიდად მოგვანან იგინი ერთმანეთს, თითქო განგებაამაც ერთნაირი ხვედრი არგუნა ამ ორ შესანიშნავ მეფეს, თითქო ბედის წერამ ერთსა და იმავე გარემოებაში ჩააყენა და მოათავსა ეს ორი საკვირველი ადამიანი”. (22)

თუ რამდენად მიზანშეწონილია ამ ორი პიროვნების ერთმანეთისადმი შედარება, ამის გასარკვევად აუცილებლობას წარმოადგენს თვალი გაავადგნოთ გიორგი ბრწყინვალეს მიერ გატარებულ ღონისძიებებს. ისტორიოგრაფიაში გარკვეულია, რომ გიორგი ბრწყინვალემ გამეფების პირველივე დღიდანვე დაიწყო ბრძოლა საქართველოს სახელმწიფო-სათვის XII საუკუნის დროინდელი საერთაშორისო ავტორიტეტის დასაბრუნებლად, გარეშე მტრის წინააღმდეგ მოქნილი და მრავალმხრივი დახვეწილი პოლიტიკის გასატარებლად, შინაური მტრების ასალაგმავად, სამართლიანობისა და კანონიერების აღსადგენად. თუკი ამ ფონზე განვიხილავთ ამ ორი პიროვნების საქმიანობას, მათ შორის მსგავსება აშკარა გახდება. ამ საკითხთან დაკავშირებით პროფ. გ.ნადირაძე სამართლიანად შენიშნავს; “ძნელი არაა, აღნიშნულ მეფეთა ეპოქების შესწავლისას მკვლევარმა მათ მოღვაწეობაში მსგავსება აღმოაჩინოს, საერთოდ კი, გიორგი ბრწყინვალეს განსაკუთრებული ადგილი უჭირავს საქართველოს პოლიტიკურ ისტორიაში და ამ მხრივ აქაც ნ.ურბნელის მიერ მი-ნიშნებული მისი მსგავსება დავით აღმაშენებელთან მართებული უნდა იყოს”. (23)

ნ.ურბნელის დასახელებულ ნაშრომში მნიშვნელოვანი ადგილი გიორგი ბრწყინვალის ბავშვობას, აღზრდას და მის გამეფებას აქვს დათმობილი. ვახუ-

შტი ბატონიშვილზე დაყრდნობით, გიორგი ბრწყინვალის გამეფების თარიღად ნ.ურბნელი 1318 წელს ასახელებს.(24) ამ მოსაზრებას მხარს აკად. ივ.ჯავახიშვილი(25) და პროფ. ვ.კიკნაძე უჭერს.(26) საქართველოს ისტორიის ნარკვევებში და ქართულ საბჭოთა ენციკლოპედიაში გიორგი ბრწყინვალეს გამეფების თარიღად 1314 წელია დასახელებული.(27)

რაც შეეხება გიორგი ბრწყინვალეს სახელმწიფოებრივ მოღვაწეობას, ნ.ურბნელი დაწვრილებით გადმოსცემს იმ ღონისძიებებს, რომელიც საქართველოს გასაერთიანებლად და ურჩი ფეოდალების ასალაგმავად გაატარა გიორგი V ბრწყინვალემ. ყოველივე ამას, როგორც ქართულ ისტორიოგრაფიაშიცაა დადასტურებული, გიორგი ბრწყინვალე ფრთხილი და მოხერხებული პოლიტიკის შედეგად აღწევდა, რომელსაც სახელმწიფოს მართვის მაღალი ნიჭიერება განსაზღვრავდა. “გიორგი ბრწყინვალე- წერს ნ.ურბნელი,- უხვად იყო ცხებული სახელმწიფოებრივის ნიჭით, სახელმწიფო ასპარეზზედ მან შემოქმედებითი ძალა გამოიჩინა და, რასაკვირველია, საკუთარი მიმართულებაც ჰქონდა, საკუთარს სისტემას მისდევდა. ეს მიმართულება და სისტემა ორი სიტყვით გამოითქმის: ჯერ სიბრძნე-გონიერება და მერე მოქმედება. მეფე გარემოებას აკვირდებოდა, დროების შესაფერისად იქცეოდა. იმის გამჭრიახი და ფრთხილი გონება სწრაფად სწვდებოდა დროისა და ჟამის ვითარებას და მეფე მკლავს მაშინ აამუშავებდა, როცა სამჯობინო იყო, როცა საქმის ხელიდან გაშვება არ შეიძლებოდა. ამ გამჭრიახოებაზე და სიფხიზლეზე არის აშენებული და დამყარებული მთელი მოღვაწეობა გიორგი ბრწყინვალისა”.(28) შესაბამისი სამეცნიერო ლიტერატურით დადასტურებულია, რომ გიორგი ბრწყინვალე მარტო საქართველოს პოლიტიკური გაერთიანებით და ქვეყანაში მშვიდობის დამყარებით არ იფარგლებოდა. მას კარგად ესმოდა, რომ მონღოლთა ბატონობის შედეგად ქვეყანაში შელახული კანონებისა და სამართლის დაუყოვნებლივი აღდგენა, საქართველოს ნორმალური განვითარებისათვის აუცილებლობას წარმოადგენდა. ამ მიმართულებით პირველი ნაბიჯი სამართლის ნიგნის “ძეგლისდება”-ს შექმნით გადადგა. ამ ფაქტთან დაკავშირებით აკად. ივ.ჯავახიშვილი წერდა: “ეს სამართლის ნიგნი გიორგი ბრწყინვალისაგან მოწვეული სახელმწიფო დარბაზის საკანონმდებლო კრებისაგან არის შედგენილი და არაგვისა და ქსნის ხეობის მთიელთა თემებისათვის იყო გაჩენილი”.(29) აღნიშნულ დოკუმენტს ნ.ურბნელმა საგანგებო ნაშრომი “ძეგლის დადება მეფე გიორგი ბრწყინვალესი”(30) მიუძღვნა. ამ საკანონმდებლო აქტს ნ.ურბნელმა მაღალი შეფასება მისცა. იმავდროულად, გიორგი ბრწყინვალეს შემდგომი თაობების მისამართით საყვედური გამოთქვა, რომ დიდი მეფის ბრძნული

შეგონება ‘დროის შესაფერისად მოიქეცითო’ დაივინყეს. “სამნუხაროდ -წერს იგი,- მეფის ცხოვრება მალე დაავინყდათ, მის მცნებას ყურადღება არ ათხოვეს. პოლიტიკური “სიბრძნე- გონიერებას” თითქოს აღარავინ საჭიროებდა, ნაყოფიც მალე აღმოცენდა”.(31) “ნაყოფის აღმოცენებაში” ნ.ურბნელი საქართველოს სამეფო- სამთავროებად დაშლას გულისხმობდა.

ნ.ურბნელის ნაშრომები: “გიორგი ბრწყინვალე მეფე საქართველოსი” და “ძეგლის დადება მეფე გიორგი ბრწყინვალესი,” მაშინდელი ქართული ისტორიოგრაფიის მნიშვნელოვან შენაძენს წარმოადგენდა. აღნიშნულ ნაშრომებში, გიორგი ბრწყინვალეს პიროვნება და მისი საკანონმდებლო საქმიანობა, ავტორმა XIV საუკუნის პირველი ნახევრის საქართველოს ისტორიის ფოკუსში მოაქცია და მთელი მისი მოღვაწეობა, ეპოქის საერთო ფონზე განიხილა. საკითხისადმი ასეთი ფორმით მიდგომამ, ნ.ურბნელს გიორგი ბრწყინვალეს ნაღვანის ობიექტურად შეფასების შესაძლებლობა მისცა. პროფ. გ.ნადირაძის სიტყვებით რომ ვთქვათ, ისტორიაში პიროვნების როლის განსაზღვრისას ნ.ურბნელი თითქმის არ ცდებოდა, რითაც ვერ დაიკვეხნის არა მარტო XIX საუკუნის, არამედ თანამედროვე ისტორიოგრაფიაც კი.(32) თუკი ეს ასეა, ნ.ურბნელის პროგრესული ისტორიული შეხედულებების პირველ პროზაგანდისტად გაზეთი “ივერია” უნდა ჩაითვალოს.

გაზეთი “ივერია”-ში გამოქვეყნებული მასალების შესწავლისას, ჩვენი ყურადღება მ.ჯანაშვილის სტატიაში “ზოგიერთი ცნობები და მოსაზრებანი შესახებ საქართველოს ისტორიისა”(33) მიიქცია. ავტორმა, ირანელი დამპყრობლების წინააღმდეგ ქართველი ხალხის ბრძოლა უძველესი დროიდან განიხილა. განსაკუთრებული ყურადღება XVII საუკუნის საქართველოს ისტორიის მონაკვეთზე შეაჩერა და ირან-ოსმალთა მიერ საქართველოს დასაპყრობად ჩატარებული ძალდატანებითი ღონისძიებები წინ წამოსწია. “სპარსეთს და ოსმალეთს გამოცდილებამ დაანახვა- ვკითხულობთ წერილში,- რომ ძალით საქართველოს დამორჩილება არ შეიძლებოდა და გამონახეს ახალი გზა, ეს იყო შეფარვითი თავაზიანობითი, მზაკვრობით ღვარძლ- შურის თესვა საქართველოს მკვიდრთა შორის და მაჰმადიანობის გავრცელება ამ ქვეყანაში”.(34) ასეთი მოქნილი პოლიტიკის გატარებით, სპარსეთმა და ოსმალეთმა, საქართველოს სამეფო სამთავროების ურთიერთდაპირისპირება, ერთმანეთში შუღლისა და მტრობის ჩამოგდება შეძლო. ძმათა შორის შინააშლილობამ, საქართველოზე სპარსეთისა და ოსმალეთის ზეგავლენის გაძლიერება დააჩქარა. დასახელებულ წერილში მ.ჯანაშვილი საქართველოში შაჰ აბასის შემოსევებზე ამახვილებს განსაკუთრებულ ყურადღებას. დაწვრილებით აღწერს ქართველთა მოდგ-

მის ამოსაძირკვავად მის მიერ ქართლსა და კახეთში გატარებულ ღონისძიებებს. გადამწყვეტ მომენტში, ქართველთა მარცხის ძირითად მიზეზებს იგი შემდეგნაირად ხსნის: “თუმცა გონებითაც და სიმხნითაც ქართველნი ჭარბობდნენ მტერს, მაგრამ მათგან მაინც ხშირად იძლეოდნენ. ამის მიზეზი რა თქმა უნდა იყო სიმრავლე მტრისა და ქართველთა ძალის არამთლიანობა (შინაური შფოთი, დაყოფა საქართველოს და სხვა). მტრის ლაშქარი სიმრავლით ერთი-ორად და ერთი ათად ჭარბობდა ქართველთა ჯარს მუდამ”. (35) ამ წერილის ძირითად დანიშნულებას საქართველოს ისტორიის წარსულისადმი მკითხველთა ყურადღების მიპყრობა და ქართველთაგან თავსდამტყდარი უბედურების მიზეზების ახსნა წარმოადგენდა. ასეთი ფონის შექმნით, მ.ჯანაშვილი ქართველ ერს შეახსენებდა: 1) საქართველოს დამოუკიდებლობის მისაღწევად, ერის სულიერად და ფიზიკურად გადასარჩენად, ძალთა კონსოლიდაცია იყო საჭირო; 2) ქართველ ხალხს 60-იანელებისათვის მხარი უნდა აეხა და გაერთიანებული ძალებით კარსმომდგარ მტერს დაპირისპირებოდა. ამ შემთხვევაში, მას ცარიზმის რეჟიმის წინააღმდეგ ბრძოლა ჰქონდა მხედველობაში.

მსგავსი დანიშნულების ფუნქციას ატარებდა “ეგერას” ფსევდონიმით გაზეთ “ივერიაში” დაბეჭდილი წერილი, “დადიანი ცოტნე და მისი ვინაობა”. (36) წერილის ავტორი საზოგადოებას ცოტნე დადიანას გმირობის ამბავს აცნობს. ამ ფონზე იგი აღწერს ხობის მონასტრის ფრესკების სავალალო მდგომარეობას და მისი დაუყოვნებლივი აღდგენის აუცილებლობის საკითხს აყენებს. მის მიერ დასმული მოთხოვნის შესრულების აუცილებლობის ერთ-ერთ არგუმენტად, ამ მონასტრის ფრესკების უნიკალურობა და ისტორიისათვის განსაკუთრებული მნიშვნელობის ღირებულებაა დასახელებული. “ზემოხსენებულნი სურათნი- ვკითხულობთ წერილში,- მეტად საყურადღებო და ძვირფასი უნდა იყოს ყველა სათვით, ვინც აფასებს წარსულს და გონიერის თვალთა უყურებს აწმყოს. იმედი უნდა ვიქონიოთ, რომ ამ ჩვენის ისტორიის მოღვაწეთა სურათებს და სხვათაც, რომელნიც სრულად მოიპოვება საქართველოში, ჩვენი საზოგადოება არ დაჰკარგავს; ეს სურათნი ჯერ კიდევ სჩანან, მაგრამ შესაძლოა მალე გაჰქრნენ, როგორც ბევრი სხვა გაჰქრა სამუდამოდ ჩვენის დაუდევრობით”. (37) როგორც ვხედავთ ქართული საზოგადოების შეგნებული ნაწილი სწორად აფასებდა საქართველოს ისტორიის კულტურული მემკვიდრეობის გადარჩენის მნიშვნელობას და ყოველ ღონეს ხმარობდა მომავალი თაობებისთვის მის შესანარჩუნებლად. ისტორიული მოვლენების ფონზე, წინაპართა დამსახურების წინამძღონით, სამოციანელთა იდეოლოგიური საქმიანობის ერთ-ერთ მიზანს, გაზეთ “ივერიას” მეშვეობით ქართველ ხალხში ეროვნული

ცნობიერების ამალგება წარმოადგენდა.

გაზეთ “ივერიაში” დაბეჭდილი პუბლიკაციებიდან, ჩვენი ყურადღება ა.ფედაევის წერილმა მიიქცია. იგი საქართველოს უკანასკნელ დედოფალს მარიამს ეხება. წერილის ავტორი განსაკუთრებულ ყურადღებას მარიამ დედოფლის რუსეთში გადასახლებაზე ამახვილებს. როგორც ცნობილია გენ. ლაზარევი, მარიამ დედოფლის რუსეთში ძალით გადასახლებას შეეცადა და ამ მცდელობას კიდევ შეეწირა. გენ. ლაზარევი თვითონ მარიამ დედოფალმა მოკლა. ამ ფაქტთან დაკავშირებით ა. ფედაევი შემდეგს გვაცნობს: “საზოგადო აზრი- კი რომელიც ფრიად დასაჯერებელია, იმას ამბობს, რომ ლაზარევი დედოფალმა კი არ მოჰკლა საკუთარს ხელით, არამედ მისმა მხლებელმა, კახელმა ხიმშიაშვილმა, რომელსაც დედოფალმა გადასცა ხანჯალი და უბრძანა გენერლის მოკვლაო. ბრძანების შესრულების შემდეგ მარიამმა მკვლელობის ბრალი თითონ იკისრა, რომ ამით დაეხსნა ნამდვილი მკვლელო. ამბობენ, ამგვარადვე ლაპარაკობდა მცხეთაში დასაფლავების დროს, (მარიამ დედოფლის მცხეთაში გადმოსვენების დროს ი.ვ) დედოფლის მოძღვარიო. მან განაცხადა, რომ დედოფალმა აღსარება მითხრა, გენერალი მე არ მომიკლავსო და მითხრა გამომეჩვენებინა ეს ამბავი მისი სიკვდილის შემდეგაო”. (38) ამ კონკრეტულ შემთხვევაში ჩვენ იმის გარკვევას არ დავიწყებთ თუ რამდენად შეესაბამება ეს მონათხრობი სიმართლეს. ყურადღებას მხოლოდ აღნიშნულ წერილში გატარებულ ტენდენციას შევაჩერებთ. ჩვენს მიერ ამ პუბლიკაციის საფუძვლიანად შესწავლიდან ირკვევა, რომ ა.ფედაევი ამ წერილით შეეცადა, მარიამ დედოფლისთვის გენ. ლაზარევის მკვლელობის ბრალდება მოეხსნა და წინა პლანზე მეფისა და დედოფლის ერთგული ადამიანის სახე კახელი ხიმშიაშვილის სახით წინ წამოენია. გარდა ამისა ა.ფედაევი რუსეთის ხელისუფალთა იმ ძალმომრეობით კურსსაც ეხება, რომელსაც ადგილი ქონდა მარიამ დედოფლის გადასახლების დროს. მსგავსი სახის მასალა, ბუნიბრივია რუსეთის ხელისუფლებისადმი პროტესტის გრძნობას უღვიძებდა ქართველ ერს და მის წინააღმდეგ საბრძოლველად განაწყობდა. ზემოთ აღნიშნულ წერილში ა.ფედაევი ერთ შეცდომას უშვებს. ის გიორგი XII-ს მოიხსენიებს როგორც გიორგი XIII-ს. უნდა აღინიშნოს, რომ გიორგი XII გაზ. “ივერიაში” ხშირად არის მოხსენიებული როგორც გიორგი XIII. თანამედროვე ქართულ ისტორიოგრაფიაში კახეთის უკანასკნელ მეფედ გიორგი XII არის მიჩნეული და ამ აზრს იზიარებს მ.დუმბაძე (39) და ა.კიკვიძე. (40) აღნიშნული ხარვეზის მიუხედავად, ა.ფედაევის წერილი მნიშვნელოვანია იმდენად რამდენადაც იგი სამოციანელთა იდეების განხორციელების პროპაგანდას ემსახურებოდა.

იმავე პრობლემატიკას ეხება ალ.გარსევანიშვი-

ლის სტატია “ნადირ- შაჰი და საქართველო”.(41) ევროპელ ისტორიკოსთა შრომებზე დაყრდნობით, იგი ნადირ-შაჰის გამეფების, მის მიერ გატარებული რეფორმების, ქართლ- კახეთისადმი დამოკიდებულების და ინდოეთის ლაშქრობაში ერეკლე მეორის მეთაურობით ქართველთა მონაწილეობის მნიშვნელოვან მომენტებს აღწერს. საგანგებოდ გამოყოფს აღნიშნულ ლაშქრობაში ქართველთა შეყოვნების ძირითად მიზეზებს. ფაქტობრივი მასალის საფუძველზე დამაჯერებლად უარყოფს სამხედრო საქმეში ნადირ-შაჰისგან ქართველთა განვრთნის მოსაზრებას.(42) თუკი ირანის მბრძანებელი ქართველ მხედრობას საგანგებოდ განვრთნიდა, მის პირისპირ ძლიერი მონიანალმდეგე აღმოჩნდებოდა, რომელიც იმდროინდელი ირანის ხელისუფალთა საგარეო პოლიტიკაში არ თავსდებოდა. სავსებით სწორად შენიშნავს ალ.გარსევანიშვილი, რომ იმ ეტაპზე “შაჰს არ უნდოდა მალე დაებრუნებინა ქვეყნისთვის ისეთი გმირი და წარჩინებული სარდალი, როგორიც იყო ირაკლი ბატონიშვილი.”(43) ამ შემთხვევაში, მეორე მხარესაც უნდა მივაქციოთ ყურადღება. ისტორიოგრაფიაში დადასტურებულია, რომ ინდოეთის ლაშქრობაში ნადირ შაჰისადმი ერეკლეს ხლება მძევლობის ხასიათს ატარებდა. მიუხედავად ამისა, ერეკლემ “ნადირთან ლაშქრობაში...კარგი სამხედრო და დიპლომატიური გამოცდილება მიიღო... ძლიერ დამპყრობელს თავისი ნიჭი და უნარი უჩვენა, ნადირ-შაჰის ირანიც საფუძვლიანად გაიცნო.”(44) მას შემდეგ რაც ნადირ- შაჰმა ინდოეთის ლაშქრობა დაამთავრა, 1744 წელს ერეკლე კახეთში, ხოლო თეიმურაზ მეორე ქართლის მეფედ დაამტკიცა. “მამაშვილის გამეფება ქართლ- კახეთში უაღრესად მნიშვნელოვანი მოვლენა იყო დამოუკიდებლობისათვის ბრძოლის დიდ გზაზე. თეიმურაზის მეფედ კურთხევისა და ერეკლეს კახეთში მეფედ დამკვიდრების შემდეგ, დამოუკიდებლობისათვის ბრძოლა ახალ, უფრო ხელსაყრელ ფაზაში შევიდა.”(45) ამას ხელი 1747 წლის ივნისში ნადირ- შაჰის სიკვდილმაც შეუწყო. შაჰის მკვლელობის ძირითად მიზეზად ალ.გარსევანიშვილი მისი ხელქვეითებისადმი განსაკუთრებულ სისასტიკეს ასახელებდა.(46)

ერეკლე მეორის სამხედრო ნიჭიერებაზე მოგვითხრობს გაზეთი “ივერია”-ში გამოქვეყნებული თ. ჟორდანიას სტატია “სამაგალითო ომი მეფე ერეკლესი სპარსეთის შაჰ აზატხანთან ერევნის ახლოს 1752 წ. ივნისი”.(47) ავტორი დაწვრილებით აღწერს ბრძოლის მიმდინარე მომენტებს. განსაკუთრებით ერეკლეს სამხედრო საზრიანობას და დიდი სარდლისადმი დამახასიათებელი თვისებების წარმოჩენას უსვამს ხაზს. რაც შეეხება ბრძოლის 1752 წლის ივლისით დათარიღებას, სინამდვილეს არ შეესაბამება. ქართულ ისტორიოგრაფიაში დადგენილია, რომ ეს ბრძოლა 1751 წლის 27 ივლისს გაიმართა.(48) ერეკლე მეორის სახელმწიფოებრივი საქმიან-

ობის პრობლემისადმი მიძღვნილი გაზეთი “ივერია”-ში დაბეჭდილი ალ.გარსევანიშვილის სტატია: “20 აპრილი 1770 წლისა ანუ საკვირველი ომი ასპინძისა”.(49) ქართლ- კახეთის პოლიტიკური მდგომარეობის ფონზე, ალ.გარსევანიშვილი რუსეთთან ურთიერთობას, გენერალ ტოტლებენის მეთაურობით 600 კაციანი კორპუსის საქართველოში ჩამოსვლას და განსაცდელის წინაშე მყოფი ერეკლესადმი ლალატის შეფასებას იძლევა. აღნიშნულ საკითხთან მიმართებაში მის მიერ მოტანილი ფაქტების სისწორეს უახლესი პერიოდის ქართული ისტორიოგრაფიაც ადასტურებს. ამ მხრივ პროფ. ვ.მაჭარაძის ნაშრომი- “ასპინძის ბრძოლა” გამოირჩევა იმ თვალსაზრისით, რომ მასში გენერალ ტოტლებენის ყველა ავანტიურისტული ნაბიჯია დაწვრილებით განხილული(50) და სათანადო კვალიფიკაციითაა შეფასებული.

იმავე პუბლიკაციაში, ალ.გარსევანიშვილი მკითხველის განსაკუთრებულ ყურადღებას ერეკლეს, როგორც სარდლის მაღალნიჭიერებაზე მიაპყრობს. დიდი სიამაყით აღწერს ასპინძის ომში ერეკლეს გამარჯვებას და მას დიდ სამხედრო სტრატეგად წარმოგვიდგენს. იმავედროულად, მტრის დასამარცხებლად ერეკლეს მიერ წინასწარ გატარებული ღონისძიებების, თითოეული სარდლისადმი დაკისრებული ფუნქციების მაღალ დონეზე შესრულების შეფასების მნიშვნელობასაც იძლევა. ამ ფონზე, აუგად იხსენიებს გიორგი ბატონიშვილს, რომელმაც შეჭირვების ჟამს, მისივე სიტყვებით რომ ვთქვათ, მამას არ დაეხმარა და ლალატის ტოლფასოვანი ქმედება ჩაიდინა. ამის დამადასტურებლად იმონმებს ელიზბარ ფალავანდიშვილს, ზაალ ბარათაშვილს (ერეკლეს მდივანბეგი), ალექსანდრე ორბელიანის წერილს “ასპინძის ომი,” ზაალ ორბელიანს, დავით ორბელიანს და ერეკლეს მდივანს ომან ხერხეულიძეს.

ერეკლე მეორის შესახებ გაზ. ივერიაში დაბეჭდილი უამრავი პუბლიკაციებიდან აღსანიშნავია: მ.ჯანაშვილის- “მეფე ერეკლე”,(51) ალ. გარსევანიშვილის- “ყარათაფის ომი”,(52) თეიმურაზ ბატონიშვილის- “ალა მაჰმად- ხანის მიერ შეპყრობა თბილისისა”,(53) ერეკლე მეორის პოლიტიკურ მოღვაწეობას რამდენიმე წერილი მიუძღვნა პ.ცხვილოელმა, სადაც ერეკლეს ცხოვრების ისტორიაა გამოფეხებიდან- გარდაცვლემამდე აღწერილი.(54) ამ მხრივ ყურადღებას იქცევს მისი წერილები: “ისტორიული მასალა მეფე ირაკლის ცხოვრებისა”,(55) “ყვარლის ციხე და ნურსალ ბეგი”,(56) “გენერალ- მაიორი ტოტლებენი გენრიხის ძე გრაფი ტოტლებენი და ირაკლი მეფე”,(57) “გმირი ასპინძის ომისა”,(58) ჩვენს მიერ ჩამოთვლილი პუბლიკაციების ეს ნუსხა იმის დამადასტურებელია, რომ ერეკლე მეორის მოღვაწეობის თითოეულ დეტალს ქართველი სწავლულები ფართოდ აშუქებდნენ. მათ სწორად ჰქონდათ

გააზრებული ერეკლეს დროინდელი რთული ისტორიული სინამდვილე და არცერთი მათგანი ერეკლეს არ ძრახავდა 1783 წლის გეორგიევსკის ტრაქტატის გამო. თითოეული ავტორი ერეკლეს წარმოაჩენდა გმირ მეფედ, რომელიც მტრის გასანადგურებლად და თავისი ქვეყნის თავისუფლების დასაცავად გონივრულ სამხედრო სტრატეგიას მიმართავდა. ზემოთ ჩამოთვლილ ავტორთა წერილები, ერეკლე მეორის შესახებ მეტად ვრცელ ინფორმაციას იძლევა და იგი დღევანდელი დღისთვისაც უაღრესად მნიშვნელოვანია. ცალკე უნდა აღინიშნოს ომან მდივანის (ხერხეულიძე) საისტორიო თხზულება- “მეფობა ირაკლი მეორისა”, რომელიც გაზეთ “ივერიაში” დაიბეჭდა. აღნიშნული ნაშრომი დღეისათვის ცალკე ნიგნის სახითაც არის გამოცემული.(59)

თანამედროვე ქართული ისტორიოგრაფიის მიღწევების ფონზე თუკი განვიხილავთ თ.ჟორდანიასა და ალ.გარსევანიშვილის წერილებს, დავრწმუნდებით, რომ XVIII საუკუნის მეორე ნახევრის საქართველოს პოლიტიკურ მდგომარეობას ისინი სწორად ასახავდნენ. მათი პუბლიკაციების მნიშვნელობა იმაში მდგომარეობს, რომ ერეკლე მეორის პიროვნების წინა პლანზე წამოწევით, ქართველ საზოგადოებას მისი პოლიტიკური მოღვაწეობა გააცნეს და ქართველი ერის გადარჩენის საქმეში, ერეკლე მეორის გადახდილ ბრძოლებს განსაკუთრებული ადგილი მიუჩინეს. მეორე მხრივ, ერეკლე მეორეს როგორც სარდალსა და სახელმწიფო მოღვაწეს ფართო პოპულარიზაცია გაუკეთეს.

საქართველოს პოლიტიკური ისტორიის პარალელურად, გაზეთი “ივერია” ფეოდალური საქართველოს სოციალური პრობლემატიკითაც იყო დაინტერესებული. ამ მხრივ, ყურადღებას იმავე გაზეთში 1889 წელს გამოქვეყნებული ა.ხახანაშვილის ნაშრომი “ბატონყმობა საქართველოში რუსეთთან შეერთებამდის” იქცევს. როგორც პროფ. დ.გვრიტიშვილი შენიშნავდა, ა.ხახანაშვილი “ევროპული ფეოდალური ინსტიტუტების მზა სქემების მიხედვით სწავლობდა ქართულ ფეოდალურ ურთიერთობას, მაგრამ მისი შრომის გამოსვლა მაინც დიდი მნიშვნელობის მოვლენა იყო, რამდენადაც ქართული სათანადო საბუთები ევროპულად განათლებულ მეცნიერის ხელში სულ სხვანაირად ამეცყველდნენ”.(60) ა.ხახანაშვილმა, რომელიც საუკეთესოდ იცნობდა ევროპის ბატონყმური ურთიერთობის ფორმებს, ქართულთან მისი შედარებითი ანალიზის შედეგად, ბევრი საერთო მსგავსება აღმოაჩინა. აღნიშნულის გათვალისწინებიდან გამომდინარე, იგი დასძენდა: “ბატონ- ყმობას ისა-ქართველოში ჰქონდა მრავალი საერთო მხარე, ამგვარსავე წყობილებასთან ევროპასა და რუსეთში”.(61) შედარებითმა ანალიზმმა ა.ხახანაშვილი სწორ, ორიგინალურ დასკვნამდე მიიყვანა. მისი მტკიცებით, “ბატონყმობა ყველგან და ყოველთვის იყო

პირველად აშენებული მამულის მფლობელობის ნიადაგზე. მას ედო სარჩულად ეკონომიური დამოკიდებულება მამულის პატრონთა და მის მკეთებელთა, შემმუშავებელთა შორის, იგი აშენდა პირველად მატერიალურს უფლებებზე და მხოლოდ შემდეგ ჩვეულებად მიღებული დედა- აზრნი განმტკიცებულ იქნენ იურიდიულის სანქციით”.(62) ეკონომიკური საფუძვლის გარდა, ა.ხახანაშვილი ბატონყმობაში პოლიტიკურ მიზეზსაც ეძებდა. მისი აზრით, იგი შემდეგში მდგომარეობდა: 1).ომში დამარცხებული სახელმწიფოსგან აყვანილი მძევლის- მონად ან ყმად გადაქცევა, 2).ტყვედ აყვანილი კაცის ყიდვა-გაყიდვა, 3).პატრონის მფლობელობის ქვეშ ნებაყოფლობით შესვლა (ასეთ ნაბიჯს, უცხო ტომთა წარმომადგენლები ან სხვა მხრიდან მოსული უმინაწყო ადამიანები დგამდა).(63) მე-ბატონის ქონების შემადგენელი ნაწილების განხილვის ფონზე, ა.ხახანაშვილი გლეხთა საკითხის განხილვდა და იქვე დასძენდა: “ფეოდალურ საქართველოში სხვის მამულზედ მოსახლე გლეხები განიყოფოდნენ სამ სახედ, ანუ კლასად: სახელმწიფო ანუ სახასო, საბატონო ანუ საპატრონო, საეკლესიო ანუ სამონასტრო”.(64) გლეხთა კატეგორიაში იგი გამორჩეულ ადგილს მსახურ გლეხობას აკუთვნებდა. მისი აზრით, ისინი ნასყიდი, ნაბოძები, ვალგადაუხდელი, თავის ნებით მისული და ა.შ. რთული ტიპის ყმებს განეკუთნებოდნენ.(65) ა.ხახანაშვილი ცდილობს განსაზღვროს ჩამოთვლილი კატეგორიების უფლება მოვალეობანი. იმავე ნაშრომის მიხედვით თუკი ვიმსჯელებთ, მასში ძირითადად სწორადაა განმარტებული გლეხთა კატეგორიები და მათი უფლება მოვალეობები. მაგალითად, ნასყიდი გლეხის წარმოშობის საფუძველს ა.ხახანაშვილი ვალის გადაუხდელობის გამო, გლეხის მიერ ბატონისადმი თავისი თავის გაყიდვაში ხედავდა. გლეხი მეზატონეს უფლებას აძლევდა მოეხმარა იგი როგორც ნასყიდი ყმა. ამ შემთხვევაში მეზატონე გლეხს საუკუნოდ ყიდულობდა. ნასყიდობის დროს გლეხი თავისუფლებაზე ხელისალების და ბატონის ყმად გახდომის პირობას დებდა. ამიტომ, ნასყიდი გლეხი ბატონის სრულ საკუთრებას წარმოადგენდა.(66) გლეხთა კატეგორიების განსაზღვრის, მისი უფლება- მოვალეობის დადგენისათვის, იურიდიულ ძეგლებში მოტანილი გლეხთა უფლებრივი ნორმები, ა.ხახანაშვილმა სიგელ- გუჯრებით ნაჩვენებ მდგომარეობას პირველმა შეუდარა. აქედან გამომდინარე, ის ძირითადი მიზეზები გაარკვია რამაც, სამართლის ძეგლებით დაკანონებული გლეხთა უფლებები ფიქციად აქცია, ხოლო გლეხობა უკიდურეს გაჭირვებაში ჩააგდო. “კანონმდებლობა და ჩვეულება- წერდა იგი, -აძლევდა ყმას ბევრს გარანტიას, თავდებობით საბუთებს, რომ ყმის პიროვნება, ქონება და პატივი კანონით დაცულია და განსაზღვრულია მოთხოვნილება ბატონისა ყმისა-

გან. ცხოვრებამ ჰუმანურსა და ბრწყინვალე მხარეს ვახტანგის სამართლისას პირი უბრუნა, თავ- და-უჭერელმა თვითნებობამ შემუსრა კაცური შეხედულება ყმის შესახებ, გაავრცელა უკანონო დამოკიდებულება ბატონთა და ყმათა შორის და შავი დღე დააყენა”. (67) ა.ხახანაშვილი სამართლიანად შენიშნავდა, რომ “ცხოვრებამ და პრაქტიკამ დიდი ძალა მისცა ბატონს ყმაზედ, იგი გამეფთა ყმის პიროვნებაზე, ქონებასა და შრომაზე. კანონმდებლობა ხშირად ავიწყდებოდათ, როცა პრაქტიკა იმის შევლას ითხოვდა. მათ შუა შემაერთებელი ძაფი გაწყდა და საგრძნობლად შორს დარჩა ერთმანეთზედ კანონი და ცხოვრება.” (68) ალბულასა და ვახტანგ მეექვსის კანონების ურთიერთ შედარებითი ანალიზის საფუძველზე, ა.ხახანაშვილი გლეხთა კატეგორიების უფლებრივი მდგომარეობის თანდათანობითი დაკარგვის სურათს იძლეოდა, ხსნიდა ყმების ყიდვა- გაყიდვის წარმომშობ ძირითად მიზეზებს. “ამ არეულს, დაულაგებელს ცხოვრებაში- წერდა ა.ხახანაშვილი,- ყმობა და ყმათა გაცემ- გამოცემა წარმოადგენდა საშინელს სურათს კაცობრიულ ღირსების დამცირებისას. ყმის ალებ- მიცემობის საგნად გახდომა ამტკიცებს გონებითა და ზნეობით დაცემულობას მაშინდელს საზოგადოებისას”. (69)

ქართული, დასავლეთ ევროპული და რუსული ბატონყმური ურთიერთობების ფორმების შედარებისას, ა.ხახანაშვილი უპირატესობას ეროვნულს ანიჭებდა, რადგან. მასში მეტ ჰუმანურობას ხედავდა. “თუმცა ვახტანგის ყმას- წერდა იგი,- დაეტყო ბერძენთა გავლენა და გავრცელდა საერთოდ ყმაზედ ბერძენთა შეხედულება, მაინც ჩვენი ყმა დარჩა ბევრად უკეთეს მდგომარეობაში, ვიდრე ბერძენთა “ნასყიდი” და რუსების ყმა. ჩვენი გლეხი მაინც- და- მაინც არ ჰკარგავს პიროვნულსა და ქონებრივს უფლებას. იმას შეუძლიან ბატონის თანხმობით მამულის გაყიდვა, საკუთრებად შეძენა სამკვიდრო ქონებისა... ბატონს აქ ქონდა უფლება, წინააღმდეგ რუსთა მეზობლანეთა, ყმის სისხლის დასჯისა, იგი იყო მხოლოდ “მფარველი და პატრონი”. (70)

მართალია, დასახელებულ ნაშრომში გარკვეული წინააღმდეგობები შეინიშნება, მაგრამ, მიუხედავად ამისა, როგორც პროფესორი დ. გვრიტიშვილი შენიშნავდა, მასში მოტანილი ბევრი დებულება “დღესაც არ კარგავს მნიშვნელობას და, რაც მთავარია, ა.ხახანაშვილის შრომას ერთგვარი ისტორიული მნიშვნელობაც ენიჭება, თუნდაც იმ მხრივ, რომ იგი ერთი პირველთაგანი იყო, რომელიც გლეხთა საკითხით დაინტერესდა”. (71) ამით, ა.ხახანაშვილმა ქართულ ისტორიოგრაფიაში, საქართველოს სოციალური ისტორიის კვლევის საკითხებს ჩაუყარა საფუძველი.

ამრიგად: 1) ქართველ ერში მინელებული ეროვნული სიამაყის ამაღლებას ისახავდა მიზნად გაზეთ “ივერია”-ში გამოჩენილი ქართველი სახელმწიფო

მოღვაწეების და სხვა ისტორიული პიროვნებების შესახებ დაბეჭდილი სტატიები. ქართველი ისტორიკოსები და პუბლიცისტები, ყოველმხრივ ცდილობდნენ, საზოგადოებაში ფართო პროპაგანდა გაენიათ დავით აღმაშენებლის, გიორგი ბრწყინვალეს, ერეკლე მეორეს, ცოტნე დადიანისა და სხვათა შესახებ, რომლებსაც ქართველი ერის წინაშე უდიდესი დამსახურება მიუძღვით. ამით ქართველ ერში ეროვნულ- განმათავისუფლებელი მოძრაობის იდეის, ეროვნული სახელმწიფოებრიობის აღდგენის, ქვეყნისადმი თავდადების და ეროვნული თვითმყოფადობის გადარჩენისათვის ბრძოლის აუცილებლობის- გარკვეული ფორმით პროპაგანდას ეწეოდნენ.

2) ევროპისა და რუსეთისთვის დამახასიათებელი ბატონყმური ურთიერთობების საქართველოს სინამდვილესთან შედარებითი ანალიზით, პროფ. ალ. ხახანაშვილმა დაასაბუთა: ა) საქართველოში ბატონყმობას, მამულის მფლობელთა და მის დამმუშავეებელთა მატერიალურ უფლებებზე დაფუძნებული ეკონომიკური დამოკიდებულება ედო საფუძვლად; ბ) ფეოდალურ საქართველოში, სხვის მამულზე მოსახლე გლეხთა სამი კატეგორიის (სახელმწიფო, საბატონო, საეკლესიო) უფლებები, სამართლებრივი ნორმებით იყო განერილი. ვალგადაუხდე (მემამულისადმი ნებაყოფლობით ნიყიდული) გლეხთა მეოთხე კატეგორია, მემამულის სამუდამო ყმას წარმოადგენდა; გ) დასავლეთ ევროპისა და რუსეთის სინამდვილისგან განსხვავებით, საქართველოში ბატონყმობის მეტ ჰუმანურობას, ქართული სამართალი და ყმების მიმართ მეზობლანის “მფარველად და პატრონად” გამოცხადება განაპირობებდა.

დამოწმებული წყაროები და ლიტერატურა

1. ი. ჭავჭავაძე. თხზულებათა სრული კრებული. ტ. 10. თბ. 1961. გვ. 34.
2. ნ. ბერძენიშვილი. საქართველოს ისტორიის საკითხები. წიგნი IX. თბ. 1979. გვ. 9.
3. გაზ. “ივერია” 1888. № 17
4. ა. იოსელიანი. დასახელებული ნაშრომი. გვ. 327.
5. გაზ. “ივერია” 1888. № 17
6. იქვე.
7. იქვე.
8. იქვე.
9. ქართული საბჭოთა ენციკლოპედია. ტ. 3. გვ. 173.
10. ივ. ჯავახიშვილი. ქართველი ერის ისტორია. თხზ. ტ. 2. თბ. 1965. გვ. 216-217
11. გაზ. “ივერია” 1886. № 21
12. გაზ. “ივერია” 1886. № 18
13. გაზ. “ივერია” 1888. № 17
14. იქვე.
15. ივ. ჯავახიშვილი. ქართველი ერის ისტორია. ტ. 2. თბ. 1965. გვ. 193

16. საქართველოს ისტორიის ნარკვევები. ტ.3. თბ. 1979. გვ.212-220.
17. გაზ. "ივერია" 1888. №17
18. გაზ. "ივერია" 1886. №18
19. ნ.ბერძენიშვილი. ივ.ჯავახიშვილი. ს.ჯანაშია. საქართველოს ისტორია. თბ. 1946. გვ.214-215
20. გაზ. "ივერია" 1889. №62
21. გ.ნადირაძე. ნიკოლოზ ურბნელი საქართველოს ისტორიის მკვლევარი. თბ.1973.
22. გაზ. "ივერია" 1889. №62
23. გ.ნადირაძე. დასახელებული ნაშრომი. გვ. 126. გვ. 126
24. გაზ. "ივერია" 1889. №64
25. ივ.ჯავახიშვილი. ქართველი ერის ისტორია. ტ.3. თბ. 1966. გვ. 15
26. ვ.კიკნაძე. გიორგი ბრწყინვალეს გამეფების თარიღის საკითხისათვის. სტუდენტთა სამეცნიერო კონფერენცია XXXVII. ისტორიის სექცია. (მოხსენებათა თეზისები) თბ. 1975. გვ. 16. მისივე. საქართველო XIV საუკუნეში. თბ. 1989. გვ. 49-59.
27. საქართველოს ისტორიის ნარკვევები. ტ.3. თბ.1979. გვ. 9. ქართული საბჭოთა ენციკლოპედია. ტ.2. თბ.1978. გვ. 160
28. გაზ. "ივერია" 1889. №66
29. ივ. ჯავახიშვილი ქართველი ერის ისტორია. ტ.3. გვ. 263.
30. ნ.ხიზანიშვილი. რჩეული იურიდიული ნაწერები. თბ. 1982. გვ.307-356.
31. გაზ. "ივერია"1889. №72
32. გ.ნადირაძე. დასახელებული ნაშრომი. გვ.146
33. გაზ. "ივერია" 1886. №93. №94. №95
34. გაზ. "ივერია" 1886. №95
35. გაზ. "ივერია" 1891. №248
36. იქვე.
37. გაზ. "ივერია" 1891. №240
38. გაზ. "ივერია" 1886. №94
39. მ.დუმბაძე. ქართლ-კახეთის გაუქმება და რუსეთთან შეერთება. საქართველოს ისტორიის ნარკვევები. ტ.IV თბ.1973წ. გვ.802
40. ა.კიკვიძე. საქართველოს ისტორია. (1801-1890წწ.) თბ.1977წ.
41. გაზ. "ივერია" 1887. №259
42. იქვე.
43. საქართველოს ისტორიის ნარკვევები. ტ.4. თბ.1973. გვ. 449.
44. იქვე. გვ.603-604.
45. გაზ. "ივერია" 1887. №259
46. გაზ. "ივერია" 1886. №108
47. საქართველოს ისტორიის ნარკვევები. ტ.4. თბ. 1973. გვ. 449
48. გაზ. "ივერია" 1888. №85
49. ვ. მეჭარაძე. ასპინძის ბრძოლა თბ.1957.
50. გაზ. "ივერია" 1890. №110; №111; №112; №114
51. გაზ. "ივერია" 1890. №115; №116; №117
52. გაზ. "ივერია" 1892. №84
53. გაზ. "ივერია" 1891. №51; №52; №53; №54; №55; №56
54. გაზ. "ივერია" 1890. №133; №135; №164; №165; №168
55. გაზ. "ივერია" 1890. №232; №233; №234; №235; №236; №240; №247 №248; №249
56. გაზ. "ივერია" 1893. №57; №58
57. გაზ. "ივერია" 1891. №11
58. გაზ. "ივერია" 1893. №113
59. ომან ხერხეულიძე. "მეფობა ირაკლი მეორისა" ტექსტი გამოსაცემად მოამზადა, გამოკვეთა, ლექსიკონი და საძიებელი დაურთო ლ.მიქიაშვილმა. თბ. 1989.
60. დ.გვრიტიშვილი. მასალები ქართველი გლეხობის ისტორიისათვის (XV111 საუკუნე) თბ. 1979. გვ.23.
61. გაზ. "ივერია" 1889. №147
62. იქვე.
63. იქვე.
64. იქვე.
65. იქვე.
66. იქვე.
67. გაზ. "ივერია" 1889. №152
68. იქვე.
69. გაზ. "ივერია" 1889. №153
70. გაზ. "ივერია" 1889. №150
71. დ.გვრიტიშვილი. დასახელებული ნაშრომი. გვ.26